

Հարցեր և առաջադրանքներ.

- Նկարի՛ր ընտանիքիդ նկարը: Պատմի՛ր քո ընտանիքի անդամների մասին այն հերթականությամբ, ինչ հերթականությամբ նկարել ես նրանց:
- Նկարագրի՛ր տղայի նկարում ընտանիքի անդամներին:
- Համեմատի՛ր քո նկարի հետ. ի՞նչ նմանություններ և տարբերություններ կան:
- Ի՞նչը կարող է ուրախություն բերել ձեր ընտանիք:
- Ինչո՞ւ քանաստեղծության հերոսը իր նկարում երկինքը նկարեց կապույտ, ե՞րբ է այն կապույտ լինում:
- Բանաստեղծության մեջ ո՞ր գույների մասին է նշվում ու արևը ո՞ր գույնով կներկերի:
- Կա՞րողիք ընդհանրություն *զինվորի* և *խաղաղության աղավնու* միջև:
Մեկնաբանի՛ր:
- Ի՞նչ ես կարծում, մայրիկը տորթն ու՞մ համար էր պատրաստել:
- Տարվա ո՞ր եղանակն է պատկերված քանաստեղծության նկարագարդման մեջ:
- Քո կարծիքով Է՛լ ով կարող էր «ապրել» հերոսի նկարում:
- Ինչո՞վ է քանաստեղծության հերոսը նման քեզ: Համեմատի՛ր:

❖ ա. Տեքստից դու՛րս գրիր երեխայի նկարած պատկերների անունները:

բ. Գրի՛ր այդ բառերի հնչյունների և տառերի քանակը:

Օրինակ՝ տուն - 3 տառ, 3 հնչյուն, արև - 3 տառ, 4 հնչյուն:

❖ Ընտրի՛ր և նախադասության մեջ լրացրու՛ ճիշտ բառը:

Ես _____ (հնչյուն, տառ) եմ, ինձ *արտասանում են* և *լսում*:

Ես _____ (հնչյուն, տառ) եմ, ինձ *գրում են* և *կարդում*:

- ❖ Բանաստեղծությունից դու՛րս գրիր այն տողը, որտեղ խոսվում է նկարի «պահապանի» մասին՝ փոխելով քաջ բառը իր «ընկեր» բառով:

- ❖ Գրի՛ր կամ նկարի՛ր ընտանիքում քո պարտականությունները:

- ❖ Գրի՛ր նամակ քո ճանաչած զինվորին:

ՀԱՅՐՄ ՂԱՇՏԻՑ ՏՈՒՆ ԵԿԱՎ (Էջ 20)

Հարցեր և առաջադրանքներ.

- ✓ Ու՞մ հետ և որտե՞ղ էր ապրում փոքրիկը (գյուղում, ավանում, քաղաքում):
- ✓ Ինչու՞ էր դաշտից գալիս փոքրիկի հայրիկը: Ինչե՞ր բերեց իր հետ: Էլ ի՞նչ կարող էր բերել: Քո կարծիքով՝ ի՞նչ կբերեր փոքրիկի հայրը, եթե տուն գար անտառից, քաղաքից...
- ✓ Կարդա՛ քանաստեղծության վերջին 2 տողը և բացատրի՛ր «շենացնել» բառի նշանակությունը:
- ✓ Դու ի՞նչ ես զգում, երբ հայրիկդ տուն է գալիս. պատմի՛ր:
- ✓ Պատմի՛ր դասընկերներիդ, թե ո՞ր գործերն ես հայրիկիդ հետ միասին սիրում անել:
- ✓ Շարունակի՛ր քանաստեղծությունը՝ հորինելով ևս 1 տող և արտասանի՛ր ընկերներիդ համար:

- ✓ Ինչպե՞ս ես հասկանում ասացվածքը: Մեկնաբանի՛ր:

Աշխարհի մեջ ամեն ինչ կարող ես ձեռք բերել՝ բացի ծնողներից:

- Բանաստեղծությունից դու՛րս գրիր այնպիսի բառազույգեր, որոնց վերջին և առաջին տառը նույնն է: Օրինակ՝ բուրմունք – քամի:
- Բանաստեղծությունից դու՛րս գրիր 3-ական միավանկ, երկվանկ, եռավանկ, քառավանկ բառեր:

<i>միավանկ</i>	<i>երկվանկ</i>	<i>եռավանկ</i>	<i>քառավանկ</i>

- Թեմատիկ նկարի մեջ **և**-ով ի՞նչ բառեր «կնկարես»: Գրի՛ր այդ բառերը և բաժանի՛ր վանկերի:

- Բացատրի՛ր՝ *ամպի արցունք, գուլալ կարկաչ, աստղերի խինդ* բառակապակցությունների իմաստը:
- Դու՛րս գրիր 2 բառ, որոնց հնչյունների և տառերի քանակը տարբեր է:
Օրինակ՝ տերև - 4 տառ, 5 հնչյուն:

- ա. Համարակալի՛ր պատկերներն ըստ բանաստեղծության մեջ ներկայացված հաջորդականության:
- բ. Հետևի՛ր բանաստեղծության տողերին և համապատասխանաբար գրի՛ր, թե փոքրիկի հայրը այս պատկերներից ո՞րը բերեց:





- Գրի՛ր բանաստեղծություն քո հայրիկի մասին՝ լրացնելով համապատասխան տողերը:

Անունը _____

Ազգանունը _____

Հայրանունը _____

Տարիքը _____

Ծննդյան օրը _____

Աշխատանքը _____

Միբուհ _____

Չի սիրում _____

Ուզում է _____

Կարիք ունի _____

- Գրի՛ր 3 բառ, որոնցով կբնութագրես հայրիկիդ:

- Գրի՛ առ այն խորհուրդները, որոնք տալիս է հայրիկդ քեզ:

- Գրի՛ր բանաստեղծության վերնագիրը և օգտվելով հետևյալ բառակապակցություններից՝ հյուսի՛ր փոքրիկ պատմություն:

հոգնած հայր, զուլալ կարկաչ, թռչունների դայլայլ,

անամպ ուրախություն, հայրական սեր

- Աղյուսակի համապատասխան սյունակներում գրի՛ր բանաստեղծության իրական ու անիրական մտքերը:

<i>Իրական</i>	<i>Անիրական</i>
Օրինակ՝ երեկոյան մութն ընկավ	Ուսին ամպի արցունք բերեց

- Լրացրու՛ :

<i>Ի՞նչ տեսա:</i>	<i>Ի՞նչ զգացի:</i>
<i>Ի՞նչ լսեցի:</i>	<i>Գրի՛ր նոր վերնագիր:</i>

ԲԱՐԻ ԼՈՒՅՍ, ՄԱՅՐԻ՛Կ (էջ 21)

Հարցեր և առաջադրանքներ.

I հատված՝

Երբ արթնանում ես ինչպե՞ս և ես ողջունում քո տան անդամներին:

Ի՞նչ էր հերոսի անունը, ինչպե՞ս էր նա ողջունում տան անդամներին:

Քանի՞ ընկեր ուներ հերոսը, ուշադիր կարդա՛ ու թվարկի՛ր:

II հատված՝

Ինչպե՞ս էր ողջունում մայրիկը Գեղամին:

Ի՞նչ էր տալիս մայրն ամեն առավոտ, ինչո՞ւ էր տալիս:

Ինչո՞ւ չէր ուզում խմել ձկան յուղը, իսկ դու խմել ես երբևէ:

III հատված՝

Ի՞նչ բառերով էր արտահայտում իր սերը մայրը որդու նկատմամբ:

Իրոք լավագույնն էր Գեղամը, ինչո՞ւ էր այդպես ասում մայրը:

Ի՞նչ բառերով են դիմում քեզ քո ծնողները:

IV հատված՝

Ի՞նչ արեց Գեղամը:

Ինչպե՞ս վարվեց նա իր «ընկերոջ» հետ:

Ի՞նչ ասաց մայրիկին, ինչո՞ւ:

Ինչո՞ւ լռեց տղան, ի՞նչ էր մտածում:

V հատված՝

Ի՞նչ եղավ փիսոյի հետ:

Ի՞նչ էր զգում Գեղամը:

Ի՞նչ տրամադրությամբ բարևեց մայրիկին Գեղամը:

Ի՞նչ պատմեց մայրիկին տղան:

VI հատված՝

Ինչպե՞ս վարվեց մայրիկը:

Ի՞նչ եղավ փիսոյի հետ:

Ի՞նչ ասաց մայրիկն առավոտյան:

Ի՞նչ էր զգում փիսոն:

Հարցեր.

- ✓ Ինչպե՞ս են մարդիկ միմյանց բարևում օրվա տարբեր ժամերին:
- ✓ Ի՞նչ գիտես առողջ սննդակարգի մասին, ի՞նչ է քեզ խորհուրդ տալիս մայրիկը այդ մասին. կատարու՞մ ես այդ խորհուրդները:
- ✓ Ինչպե՞ս են խնամում ընտանի կենդանիներին:
- ✓ Գեղամն ինչու՞ էր հուզվում և տանջվում ամբողջ գիշեր:
- ✓ Նա ե՞րբ հանգստացավ. ինչու՞ :
- ✓ Բնութագրի՛ր ինչպիսի՞ն պետք է լինի ազնիվ մարդը:
- ✓ Քեզ հետ երբևէ այդպիսի դեպք պատահե՞լ է. պատմի՛ր կամ հորինի՛ր նման պատմություն:
- ✓ Բացատրի՛ր հետևյալ արտահայտությունը՝

Ազնվությունը զարդարում է ցանկացած մարդու:

- ✓ Ի՞նչ կփոխեիր այս պատմվածքի մեջ, ինչու՞ :
- ✓ Նշի՛ր մարդու և կենդանու տարբերությունները և բացատրի՛ր, թե Գեղամն ինչպես հասկացավ կատվին:
- Վերնագրի՛ր 1-ին և 2-րդ մասերը:

- Բնութագրի՛ր Գեղամին և բակի տղաներին՝ լրացնելով համապատասխան պունակները:

Գեղամ	Տղաներ

- Գրի՛ր առողջ ապրելակերպի մասին կանոններ՝ հետևելով նաև Գեղամի մայրիկի և քո մայրիկի խորհուրդներին:

- Կարդա՛ 2-րդ մասի 3-րդ, 4-րդ, 5-րդ նախադասությունները, արտագրի՛ր՝ փոխելով բակի տղաների վատ վերաբերմունքն արտահայտող բառերը հոգատար վերաբերմունք արտահայտող բառերով:

- Գրի՛ր նամակ Գեղամին՝ խրախուսելով նրա ազնվությունը:

Հարցեր և առաջադրանքներ.

➤ Հեղինակը ինչերի՞ հետ է համամատում մայրիկի աչքերը, ձեռքերը, երգերը, համբույրը... Կարդա՛ այդ տողերը:

➤ Ի՞նչ է ուզում ասել հեղինակն այս արտահայտությամբ՝

Եվ գով հովը մեղմ շոյում է, երբ մայրիկիս երգերը կան:

➤ Բանաստեղծության մեջ ընդգծի՛ր այն տողը կամ տողերը, որոնք ինքդ կցանկանայիր նվիրել մայրիկիդ:

➤ Ի՞նչ մեղեդի ես լսում թեմատիկ նկարին նայելիս:

➤ Քո մայրիկը տարվա ո՞ր եղանակին է նման, ինչու՞:


➤ Ինչպիսի՞ երաժշտությամբ կերգես այս բանաստեղծությունը՝ արագ, դանդաղ, ուրախ, տխուր:

➤ Փորձի՛ր գունավորել տողերը, ի՞նչ գույներ ընտրեցիր և ինչու՞:

➤ Ո՞ր գործերն ես դու մայրիկիդ հետ միասին կատարում:

➤ Պատրաստի՛ր բացիկ, որով շնորհակալություն կհայտնես մայրիկիդ կոնկրետ բանի համար:

➤ Ի՞նչ բառերով է սիրում քեզ քո մայրը: Գրի՛ր մի քանիսը:



✓ Կազմի՛ր բառակապակցություններ և գրի՛ր:

ջերմ	գրկել	_____
մեղմ	շոյել	_____
անուշ	ժպտալ	_____
քնքուշ	համբուրել	_____
	երգել	_____

✓ «Երգ մայրիկիս» բանաստեղծությունից ընտրի՛ր Է-ով սկսվող 2 բառ և գործածի՛ր նախադասությունների մեջ:

✓ Արտագրի՛ր բառեր, որոնց տառերի և հնչյունների քանակը տարբեր է:
Օրինակ՝ երգ - 3 տառ, 4 հնչյուն:

✓ Բանաստեղծության տարբեր հատվածներից ընտրի՛ր իմաստով մոտ 2 բառ և գործածի՛ր նախադասությունների մեջ:

✓ Գտի՛ր, թե բանաստեղծության մեջ տարվա որ եղանակն է բացակայում և ինքդ ստեղծի՛ր մեկ քառատող դրա մասին:

✓ Գրի՛ր բանաստեղծություն քո մայրիկի մասին՝ լրացնելով համապատասխան տողերը:

Անունը _____

Ազգանունը _____

Հայրանունը _____

Տարիքը _____

Ծննդյան օրը _____

Աշխատանքը _____

Միբույս է _____

Զի սիբույս _____

Ուզույս է _____

Կարիք ունի _____

✓ Առաջին քառատողից դու՛րս գրիր մեկ միավանկ, 2-րդից՝ մեկ երկվանկ, 3-րդից՝ մեկ եռավանկ բառ:

✓ Աղյուսակի համապատասխան սյունակներում լրացրու՛ քո իմացած և նոր սովորած բառերը:

Մայրիկ, մթնշաղ, զով, աչքեր, գարուն, հով, ձեռքեր, աղբյուր, համբույր:

<i>Գիտե՛ի</i>	<i>Իմացա</i>

Հարցեր և առաջադրանքներ.

1. Տեքստը բաժանել տրամաբանական հատվածների և պատասխանելով հարցերին՝ ընթերցել:

I հատված

Ի՞նչ է նշանակում հաշիվ բառը:

Ի՞նչ հաշիվներ գիտես, թվարկի՞ր, թե որտեղ ես տեսել:

II հատված

Ի՞նչ էր տղայի անունը:

Ինչպե՞ս ծանոթացավ տղան հաշիվ բառին:

Հայրը ի՞նչ մասնագիտություն ուներ:

Հայրը ինչպե՞ս էր մատուցում իր ծառայությունները:

III հատված

Ի՞նչ զգաց Դինուն, երբ կարդաց հիվանդ տղայի հաշիվը:

Ի՞նչ հասկացավ հաշիվ ասելով:

IV հատված

Ի՞նչ արեց տղան հետո, երբ օգնեց մայրիկին:

Ի՞նչ գտավ մայրիկը, երբ արթնացավ:

Ի՞նչ զգաց մայրիկը:

V հատված

Ինչպե՞ս վարվեց մայրիկը

Ի՞նչ զգաց տղան, երբ կարդաց հաշիվը:

Հարցեր հատվածների վերաբերյալ.

- ✓ Ինչո՞վ էր զբաղվում Դինուի հայրը և ի՞նչ հաշիվներ էր գրում:
- ✓ Դինուն ինչի՞ մասին հաշիվ գրեց. նա ճի՞ շտ վարվեց:
- ✓ Կարդա՛ Դինուի ընթերցած առաջին հաշիվը և պատմի՛ր բժշկի կատարած գործերի մասին:
- ✓ Մայրն ինչպե՞ս ուղղեց որդու սխալը:
- ✓ Քո կարծիքով է՞լ ինչպես կվարվեր Դինուի մայրը հաշիվը կարդալուց հետո:
- ✓ Կարդա՛ տեքստի կարևոր նախադասությունը/հատվածը:
- ✓ Ավելացրու՛ մի քանի նախադասություն տեքստին, քո կարծիքով ի՞նչ կլինի հետո:
- ✓ Դու՞ ինչպես ես օգնում մայրիկիդ, պատմի՛ր մի դեպք քո կյանքից:
- ✓ Ինչպե՞ս կվարվեիր դու Դինուի փոխարեն:
- ✓ Ի՞նչ ես կարծում, ինչո՞ւ էր հեղինակը պատմվածքն այդպես ավարտել:
- ✓ Եթե դու հանդիպեիր Դինուին, ապա ի՞նչ խորհուրդ կտայիր նրան:
- ✓ Համառոտ պատմի՛ր պատմության մասերի բովանդակությունը և վերնագրի՛ր դրանք:

2. Տրված 2 շարք բառերից ընտրի՛ր հակառակ իմաստ ունեցող բառերը և գրի՛ր օրինակի պես.

3.

չար, շատ, վերցնել, գիշեր, մոտ, վրա, հիմար, բացել, քնել, ուրախություն, հիվանդ.

առողջ, դնել, հեռու, տակ, վերցնել, փակել, արթնանալ, տխրություն,
բարի, քիչ, խելացի.

Օրինակ՝ վերցնել - դնել:

4. Արտագրի՛ր՝ համապատասխան բառը գրելով:

Գարնանային _____ (*սլայծառ, մնայլ*) առավոտ էր: Արևը փայլում էր
 _____ (*ջինջ, ամպամած*) երկնքում: Թռչուններն _____ (*ուրախ, տխուր*)
 ճովողում էին անտառում: Փոքրիկ եղնիկը _____ (*մտավ, դուրս եկավ*)
 անտառից: Նա զգույշ _____ (*մտեցավ, հեռացավ*) աղբյուրին, որ բխում
 էր լեռան _____ (*գագաթից, ստորոտից*): Նա խմեց աղբյուրի _____
 (*տաք, սառնորակ*) ջրից ու նորից վազեց անտառ:

5. Դու՛րս գրի՛ր Դինուի կատարած գործերը:

6. Նկարագրի՛ր Դինուի մայրիկին:


7. Նկարագրի՛ր Դինուին՝ լրացնելով համապատասխան տողերը:

- Անունը _____
- Սեռը _____
- Ազգությունը _____
- Ընտանիքի անդամները _____
- Սովորում էր _____
- Բնավորությունը _____

8. Պատրաստել «Տրամադրության պաստառ»: Նախընտրած գույնի թղթի վրա գրել, թե ինչ զգաց տեքստն ընթերցելիս:

9. Պատկերել «Ջերմաչափ» և սանդղակի վրա նշել յուրաքանչյուր խմբի զգացողությունները՝ տեքստի վերաբերյալ խոսքերի միջոցով:

- I խումբ՝ մենք տխրեցինք կարդալով մայրիկի խոսքերը:
- II խումբ՝ մենք ուրախացանք, որ Դինուն հասկացավ իր սխալը:
- III խումբ՝ մենք ուրախացանք....



10. «Մտածի՛ր, մտքե՛ր փոխանակիր» մեթոդով գրել խմբային նամակ և տեղադրել նամականիի տուփում՝



Նամակ Դիմուին

Բարև՛, սիրելի՛ Դիմու _____

ԻՄ ՀԵՐՈՍ ՊԱՊԸ (Էջ 30)

Հարցեր և առաջադրանքներ.

- ◆ Ու՞մ նկարն է պատից կախված, քանի՞ տարի է նա ապրել:
- ◆ Ի՞նչ միտք է արտահայտված վերջին քառատողում:
- ◆ Թոռնիկն ինչի՞ համար է ափսոսում. գտի՛ր և կարդա՛ համապատասխան տողերը:
- ◆ Ինչու՞ է բանաստեղծության մեջ տատը *արցունքն աչքին* հեքիաթ ասում:
- ◆ Ի՞նչ էր պատմել տատիկը պապիկի սիրանքների մասին:
- ◆ Մեկնաբանի՛ր «ընդամենը քսան գարուն» արտահայտությունը:
- ◆ Վերջին տան մեջ կարդա՛ ի՞նչն էր պաշտպանել պապը:
- ◆ Կարդա՛ ասացվածքը և մեկնաբանի՛ր:
- ◆ Պատմի՛ր քո պապիկի մասին :
- ◆ Ի՞նչ գիտես Արցախյան 44-օրյա պատերազմի մասին:
- ◆ Ու՞մ են անվանում հերոս. ի՞նչ հերոսների անուններ գիտես:
- ◆ Բացատրիր՝ *հայրենիք, սիրանք, հերոս* բառերի նշանակությունը
- ◆ Ի՞նչ կասես աշխարհի քո հասկակիցներին խաղաղության և պատերազմի մասին: Ի՞նչ կանեք, որ էլ պատերազմ չլինի:
- Շարունակի՛ր՝ ավելացնելով պապին բնութագրող նոր բառեր:

Պապ - հերոս, _____

- Նկարագրի՛ր քո պապիկին՝ լրացնելով համապատասխան տողերը:

Անունը _____

Ազգանունը _____

Տարիքը _____

Ծննդյան օրը _____

Սիրում է _____

Զի սիրում _____

Բնավորությունը _____

Կարիք ունի _____

- Գրի՛ր պապիկի խրատներ: Օրինակ՝

Հայրենիքիդ համար մի՛ խնայիր ո՛չ ուժդ, ո՛չ կյանքդ:

- Նամա՛կ գրիր պապիկիդ՝ արտահայտելով քո սերն ու ուշադրությունը նրա հանդեպ:



- Համապատասխան սյունակներում բանաստեղծությունից դո՛ւ քս գրիր պատերազմ և խաղաղություն արտահայտող բառերը:

<i>Պատերազմ</i>	<i>Խաղաղություն</i>

- Փակի՛ր աչքերդ ու պատկերացրո՛ւ, որ այլևս պատերազմ չկա աշխարհում և լրացրո՛ւ աղյուսալում՝ ի՞նչ տեսար, ի՞նչ լսեցիր, ի՞նչ զգացիր:

Ի՞նչ տեսա:	Ի՞նչ լսեցի:
Ի՞նչ զգացի:	Վերնագրի՛ր պատկերացրածդ օրը:

- Պապիկ բառի յուրաքանչյուր տառով կազմի՛ր նոր բառեր:

Օրինակ՝

պ - պայուսակ, ա - _____, յ - _____, ու - _____,
 ս - _____, ա - _____, կ - _____

- Գրի՛ր **պա** վանկով սկսվող ևս 3 բառ:

Օրինակ՝ պատանի, պանիր, _____, _____, _____

- Գրի՛ր բառակզբի **օ** և բառամիջի **ո** ունեցող 3-ական բառ:

ՄԵԾ ՄԱՅՐԻԿԻ ՆԱՄԱԿԸ (էջ 31)

Հարցեր և առաջադրանքներ.

- ✓ Ե՞րբ է գրել մեծ մայրիկը այս նամակը, ո՞ր քաղաքից, ո՞ր երկրից:
- ✓ Նկարագրի՛ր մեծ մայրիկին՝ ըստ նամակի շարադրանքի:
- ✓ Կարդա՛ այն տողերը, որոնցում արտահայտված է մեծ մայրիկի սերը թոռնիկի հանդեպ:
- ✓ Մեծ մայրիկի նամակի համաձայն՝ փորձի՛ր թվել փոքրիկի բարեմասնությունները:
- ✓ Ո՞վ էր մեծ մայրիկի թոռնիկը՝ տղա՞, թե՛՝ աղջիկ: Գտի՛ր և կարդա՛ համապատասխան տողերը նամակում, մեկնաբանի՛ր:
- ✓ Ի՞նչ է նշանակում օրհնանք: Ի՞նչ օրհնանքներ գիտես: Հարցով դիմի՛ր ձեր տան մեծերին:
- ✓ Մեկնաբանի՛ր նամակում գործածված *բարի ու անուշ զգացումներով* արտահայտությունը:
- ✓ Ի՞նչ նկատի ունի հեղինակը *անուշ սիրտ* ասելով:
- ✓ Ուշադի՛ր կարդա 4-րդ նախադասությունը և ասա՝ քո կարծիքով փոքրիկի տատիկը իր մայրիկի՞ մայրիկն էր, թե՛՝ հայրիկի մայրիկը:
- ✓ Քո կարծիքով ի՞նչն էր պատճառը, որ տատիկն ու թոռնիկը միմյանցից հեռու էին ապրում, հիմնավորի՛ր:
- ✓ Ինչպե՞ս էին շատ վաղ ժամանակներում մարդիկ նամակ ուղարկում: Հարցրու՛ ընտանիքիդ մեծերին, իսկ հիմա՞:

- Դու՛րս գրիր այն նախադասությունը, որում մեծ մայրիկը մաղթանք է հղում թոռնիկին:

- Ի՞նչ օրինանքով է տատիկդ քեզ դիմում, գրի՛ առ:

- Նկարագրի՛ր քո տատիկին՝ լրացնելով համապատասխան տողերը:

Անունը _____

Ազգանունը _____

Տարիքը _____

Ծննդյան օրը _____

Սիրում է _____

Չի սիրում _____

Բնավորությունը _____

Կարիք ունի _____

- Դու ինչպե՞ս կարտահայտեիր քո սերն ու հարգանքը մեծ մայրիկիդ հանդեպ. մի անուշիկ նամա՛կ գրի՛ր՝ նշելով հասցեն:



- Դու՛րս գրիր նամակում գրությանը և արտասանությանը անհամապատասխան բառերը և բաժանի՛ր վանկերի:

Օրինակ՝ վերադարձնի- վե-րա-դարձ -նի:

- Նամակից դո՛ւրս գրիր 3-ական բառեր, որոնք քեզ ուրախացրին կամ վշտացրին:

☺	☹

- Տեքստից դու՛րս գրիր հետևյալ տառերն ունեցող բառերը՝

- է -----
- ե -----
- օ -----
- ո -----
- և -----

- Տրված բառերը գրիր առանձին սյունակներով՝ օրինակի պես:

Որդի, Ոսկան, Ոսկեհատ, որդ, ոլոռ, ոստիկան, ոսկեգույն, Ոսկեվագ,
 ոստայն, Որոտան, Ոստանիկ:

Ո	ո

ԵՐԿՈՒ ԾԱՂԻԿ (էջ 36)

Հարցեր և առաջադրանքներ.

- Ի՞նչ ես կարծում որն էր պատճառը, որ ծաղիկները չէին հարմարվում իրենց նոր տանը՝ ծաղկամանին:
- Պատմի՛ր՝ ինչ ես զգացել, երբ որոշ ժամանակ հեռու ես եղել տնից, ծնողներից...
- Ի՞նչ ես մտածում բանաստեղծության մասին, այն ինչ ուղերձ է հղում ընթերցողին:
- Անձնավորի՛ր որևէ ծաղիկ և խոսի՛ր նրա կարիքների ու ցանկությունների մասին:
- Գտի՛ր և գրի՛ր այնպիսի ծաղիկների անուններ, որոնք նաև մարդկանց անուններ են:

- Ստեղծի՛ր փոքրիկ պատմություն՝ օգտագործելով տրված բառակապակցությունները՝ սիրուն սար, քնքուշ ծաղիկ, թավ անտառ, երկու ծաղիկ:

- ◆ Դարձի՛ր որևէ ծաղիկ և պատմի՛ր քո մասին:
Օրինակ՝ Ես վարդակակաչն եմ, ապրում եմ

ԱՄՓՈՓՈՒՄ - 1 ժամ

Գործունեության ձևեր՝

- Ինքնաարտահայտման տարբեր ձևերով արտահայտել մտքերն ու զգացումները:
- Խոսել մարդկանց, նրանց առանձնահատկությունների մասին, տարբեր մոտեցումներով ներկայացնել բնակավայրը, հայրենիքը, նրա նվիրյալներին, հայրենասիրության դրսևորումներ:
- Խմբային աշխատանքներ և քննարկումներ ըստ առաջարկվող նյութի:
- Թեմատիկ նկարի շուրջ հյուսի ոչ ծավալուն պատմություն
- Պատասխանել հարցերին, դրանց միջոցով որոշի որակական հատկանիշ ցույց տվող բառեր:
- Արտահայտել կարծիք գրավոր նյութի շուրջ:
- Ջարգացնել աշխարհաճանաչողական գիտելիքները
- Բացատրել տեքստի նորաձանոթ բառերն ու արտահայտությունները, կիրառել դրանք խոսքում:
- Պատմել իր, իր կյանքի մասին:
- Ստեղծել երկխոսություն նյութի հերոսի և իր միջև:
- Ստեղծել թեմատիկ անկյուն՝ նվիրված հայրենիքի նվիրյալներին:
- Ներկայացնել ծանոթ հերոսներից մեկին:
- Վերհիշել հնչյուն, տառ, բաղաձայն և ձայնավոր հնչյունները, երկհնչյուն տառերը:
- Կազմել ինքնաճանաչման թերթիկ և այն պահպանել անձնական թղթապանակում:

<i>Հարցեր</i>	<i>Այո</i>	<i>Ոչ</i>
Ես ճշմարտախոս եմ:		
Ես չեմ վախենում իմ սխալը խոստովանելուց:		
Ես հետևում եմ իմ տատիկի ու պապիկի խրատներին:		
Ես հոգատար եմ մեծահասակների հանդեպ:		
Ես խնամքով եմ վերաբերվում իմ իրերին:		
Ես ունեմ պարտավորություն խնամել կենդանիներ:		
Ես սիրում եմ խնամել ծաղիկներ::		
Ես մեծ ցանկություն ունեմ շենացնելու հայրենիքս:		

